



**SAMBUTAN BUPATI BULELENG  
RI SAJERONING ACARA EVALUASI DESA PAKRAMAN  
LAN SEKAA TRUNA TINGKAT KABUPATEN BULELENG  
WARSA 2018 RING DESA PAKRAMAN DEPEHA  
Tanggal, 20 Juni 2018**

***OM SWASTYASTU,***

- PARA PINANDITA SANE PISINGGIHANG TITIANG,
- DANE MANGGALA DPRD SANE WANGIANG TITIANG,
- IDA DANE MANGGALA SKPD PEMKAB BULELENG SANE KUSUMAYANGTITIANG,
- DANE MANGGALA LAN ANGGA NAYAKA PANUREKSA PACENTOKAN DESA PAKRAMAN LAN SEKAA TRUNA

KABUPATEN BULELENG SANE MUSTIKAYANGTITIANG,

- DANE CAMAT KUBUTAMBAHAN LAN FORUM KOORDINASI KECAMATAN SANE MURDAYANGTITIANG,
- DANE PERBEKEL LAN PARA TATA MANGGALA DESA PAKRAMAN DEPEHA SANE KUSUMAYANGTITIANG,
- KLIAN DESA PAKRAMAN DEPEHA LAN PRAJURU SAHA KELIAN SEKAA TRUNA “WAHANA DHARMA” DESA PAKRAMAN DEPEHA SANE SUBAGIA.

MAKA PAMUNGKAH ATUR, NGIRING SETATA NGATURANG PUJA PENGASTUTI BHAKTI MANTUKA RING IDA SANG HYANG WIDI WASA, RIANTUKAN IDA SWECA LEDANG NGICENIN KERAHAYUAN, KERAHJENGAN, KANDUGI PRESIDHA RAHINE MANGKIN, KEMARGIANG ACARA PACENTOKAN DESA PAKRAMAN LAN SEKAA TRUNA TINGKAT KABUPATEN WARSA KALIH TALI PLEKUTUS.

PAKRAMA PACENTOKAN DESA PAKRAMAN LAN SEKAA TRUNA PUNIKI PATUT KELANTURANG SINALIH TUNGIL UTSAHA PEMERINTAH KABUPATEN ANGEN NUDUTIN KAYUN KRAMA DESANE TUR NINCAPANG TATA TITI PEMARGIN TRI HITA KARANA SUMANGDENE SIDE TREPTI, MANUT KADI PENGAPTIN PARA LINGSIRE.

**IDA DANE PARE PRAJURU LAN KRAMA DESA PAKRAMAN DEPEHA SANE SUBAGIA,**

PEMERINTAH KABUPATEN BULELENG MADUWE  
TANGGUNG JAWAB MORAL RISEJERONING NGELANTURANG  
PAKERTIN PARA LINGSIRE, SUMANGDENE DESA PAKRAMANE  
AJEG LAN LESTARI, ANTUK PUNIKA NGIRING SARENG –  
SARENG MAUTSAHA ANTUK NINCAPANG RASA, NRUWENANG  
TUR NGUKUHANG PEMARGIN TRI HITA KARANA, TRI  
MANDALA SAHA NEPASIN DAGING AWIG – AWIG DRUWENE.

MELARAPAN ANTUK PACENTOKAN PUNIKI, NGIRING  
SARENG – SARENG MAUTSAHA NGUKUHANG PEMARGIN  
DRESTANE, MELARAPAN ANTUK :

KAPERTAMA : SETATA NGUTSAHANG LAN NINCAPANG  
SRADHA BHAKTI MANTUKA RING IDA  
HYANG WIDI WASA, NGELUNGSUR  
PASWECAN IDA MOGI – MOGI DESA  
PAKRAMAN RING BALI MEMARGI TREPTI,  
KUKUH, TALER TAN WENTEN BYUTA RING  
DESA PAKRAMAN, SAHA KRAMA DESA IRIKI  
SETATA SEGILIK SEGULUK, SEBRIUK  
MAPIKARDI NGAJEGANG BALI.

KAPINGKALIH : SETATA NGARDI PAKILITAN LAN PASIKIAN  
KRAMA DESA PAKRAMAN LAN SEKAA  
TRUNA, MINEKADI PRAJURU LAN KRAMA,  
SAHA SWAGOTRA PARA DESANE, SIDHA  
KEPANGGUH PATUNGGILAN MENYAMA

BRAYA, TINDIH TUR SUBAKTI, SAHA  
WIRANG LAN NRUWENANG NGAJEGANG  
DESA PAKRAMAN DRUWENE. PANUNTUNAN  
LAN PACENTOKAN SANE KEMARGIANG  
PUNIKI SAMPUNANG MEKANTEN SEKADI  
FORMAL, BILIH – BILIH KADADOSANG  
SANGKETAN RING MANAH KAWIAKTIANE  
PUNIKI PASTIKA JAGI KEJANTENANG  
NENTEN BECIK RING SAJRONING SWADAYA  
PEMARGIN DESA PAKRAMANE.

KAPING TIGA : MELARAPAN ANTUK PACENTOKAN DESA  
PAKRAMAN LAN SEKAA TRUNA, NGIRING  
TINCAPANG PEMARGIN TATA TITI TRI HITA  
KARANA, YASA KERTI DHARMANING  
AGAMA, LAN YASA KERTI DHARMANING  
NEGARA.

INGGIH WANTAH KADI PUNIKA SAMBRAMA WACANA  
PUNIKI, UNTENG TETUJON PANUNTUNAN LAN PACENTOKAN  
DESA PAKRAMAN INGGIH PUNIKA NGUKUHANG BENTENG  
JAGAT BALINE SUMANGDENE SUKERTA, SANTI LAN  
JAGADHITA, TALER DUMOGI DESA PAKRAMAN DRUWENE  
PUNIKI, NGEMANGGUHANG SIDHA KARYA LABDA KARYA  
SIDHANING DON.

PUPUT SUKSMA

***OM SHANTI, SHANTI, SHANTI OM***

**BUPATIBULELENG,**

**PUTU AGUS SURADNYANA,ST**